



REPUBLIKA E MAQEDONISË SË VERIUT
AGJENCIA PËR SHËRBIME MEDIATIKE AUDIO DHE AUDIOVIZUELE
PA1 Nr.08-225
29.07.2025
Shkup

Këshilli i Agjencisë për Shërbime Mediatike Audio dhe Audiovizuele, në bazë të nenit 18 paragrafi (1) nënparagrafi 2 dhe neni 20 paragrafi (1) nënparagrafi 10¹, dhe në lidhje me nenin 71 paragrafi (1) nënparagrafi 17 dhe 18 dhe neni 75 të Ligjit për Shërbime Mediatike Audio dhe Audiovizuele ("Gazeta Zyrtare e RM-së" nr.184/13, 13/14, 44/14, 101/14, 132/14, 142/16, 132/17, 168/18, 248/18 dhe 27/19 dhe "Gazeta Zyrtare e RMV-së" nr.42/20, 77/21, 154/23, 55/24 dhe 193/24), neni 15 paragrafi (1) nënparagrafi 2, neni 39 paragrafi (1) nënparagrafi 10 dhe neni 51 paragrafi (1) të Rregullores së Punës së Agjencisë për Shërbime Mediatike Audio dhe Audiovizuele (Tekst i pastruar) ark.nr.01-3732/1 datë 29.07.2019, pas zbatimit të Konkursit Publik për dhënien e lejes për transmetim në radio të shërbimit programor në nivel lokal, të publikuar në bazë të Vendimit të Agjencisë për shpallje të konkursit publik, PA1 nr.08-140 datë 25.04.2025 ("Gazeta Zyrtare e RMV-së", nr. 91/25 datë 07.05.2025), në pajtim me Raportin e vlerësimit të aplikacionit të paraqitur PA1 nr.08-211 datë 25.07.2025 dhe Konkluzionin ark.nr.02-3137/3 datë 29.07.2025, në seancën e 6-të mbajtur më 29.07.2025, miratoi si vijon:

VENDIM
për dhënien e lejes për transmetim në radio të shërbimit programor,
në nivel lokal, në zonën e komunës së Prilepit

1. I JEPET(NDAHET) leja për transmetim në radio shërbimit programor radio muzikore me format të specializuar, deri në 5% përmbajtje folëse, në gjuhën maqedonase dhe serbe, në të cilën muzika e transmetuar është kryesisht argëtuese, në nivel lokal , në zonën e komunës së Prilepit, kandidatit, personit juridik Shoqërisë Tregtare Radiodifuzive BUBA MARA Ranko SHPKNJP Shkup, me seli në bulevardin: "Partizanski Odredi" nr.62 lamella C/ katin e ndërmjetëm 1, komuna Karposh, Shkup.

Shërbimi i programit në radio nga paragrafi (1) të këtij neni do të transmetohet nëpërmjet frekuencës së përcaktuar nga Agjencia për Komunikime Elektronike të Republikës së Maqedonisë së Veriut (AKE), përkatësisht: 90.3 MHz.

2. Leja për transmetim në radio në nivel lokal, e cituar në pikën 1 të këtij Vendimi, jepet për periudhë kohore prej 9 (nëntë) vitesh dhe nuk mund t'i transferohet një personi tjetër.

3. Pas pranimit të këtij Vendim për dhënien e lejes, kandidati në konkurs, personi juridik Shoqëria Tregtare Radiodifuzive BUBA MARA Ranko SHPKNJP Shkup, të cilit i është dhënë leja nga pika 1. të këtij Vendimi, duke qenë se është transmetues i përhershëm, duhet të regjistrojë shoqëri tregtare radiodifuzive të re në regjistrin përkatës, në pajtim me nenin 77, paragrafët 1 dhe 2 të Ligjit për Shërbime Mediatike Audio dhe Audiovizuele (LSHMAAV).

¹ Paragrafët 8 dhe 9 janë fshirë, shih: nenin 8 të Ligjit për ndryshimin dhe plotësimin e Ligjit për Shërbime Mediatike Audio dhe Audiovizuele (Gazeta Zyrtare e Republikës së Maqedonisë nr. 248/18).

Shoqëria Tregtare Radiodifuzive, e cila do të themelohet nga kandidati në konkurs, personi juridik Shoqëria Tregtare Radiodifuzive BUBA MARA Ranko SHPKNJP Shkup, së cilës i është dhënë leja nga pika 1. të këtij Vendimi, do të paguajë kompensim vjetor në llogarinë e Agjencisë për Shërbime Mediatike Audio dhe Audiovizuale (Agjencia), për çdo vit aktual duke filluar nga data e dhënies së lejes në afat prej 30 (tridhjetë) ditësh nga dita e pranimit të faturës së dhënë nga Agjencia. Mënyra e llogaritjes, faturimit dhe pagesës së kompensimit për leje përcaktohet nga Agjencia në pajtim me nenin 80 të LSHMAAV dhe në pajtim me Rregulloren për procedurat e punës financiare dhe kontabël të Agjencisë për Shërbime Mediatike Audio dhe Audiovizuale ("Gazeta Zyrtare e RM-së", nr.185/14), Rregullorja për formatet e shërbimeve programore të transmetuesve ("Gazeta Zyrtare e RM-së", nr.172/14) dhe Rregulloren për zonat e transmetimit të programeve televizive dhe radio ("Gazeta Zyrtare e RM-së", nr.172/14).

4. AKE, në bazë të lejes për transmetim në radio për shfrytëzim të radiofrekuencave do të japë miratim për shfrytëzim të radiofrekuencave në pajtim me Ligjin për Komunikime Elektronike.

Për shfrytëzim të radiofrekuencave, paguhet kompensim vjetor në llogari të AKE për çdo vit aktual paraprakisht duke filluar nga data e vlefshmërisë së miratimit për shfrytëzim të radiofrekuencave.

5. Shoqëria Tregtare Radiodifuzive, e cila do të themelohet nga kandidati në konkurs, personi juridik Shoqëria Tregtare Radiodifuzive BUBA MARA Ranko SHPKNJP Shkup, së cilës i është dhënë leja nga pika 1. të këtij Vendimi, detyrohet të fillojë me kryerje të veprimtarisë më 18.09.2025.

Në rast të mosrespektimit të afatit për fillimin e kryerjes së veprimtarisë cituar në paragrafin 1 të kësaj pike të Vendimit, Agjencia do ta heqë lejen e dhënë para skadimit të afatit për të cilën është dhënë dhe do të fshihet transmetuesi nga regjistri i transmetuesve.

6. Personi juridik, cituar në pikën 1 të këtij Vendimi, të cilit i është dhënë leja për transmetim në radio, është i detyruar plotësisht të përmbushë kushtet dhe kërkesat për të cilat është zotuar në Aplikim gjatë konkurimit.

Agjencia do të kryejë mbikëqyrje profesionale në afat prej 30 (tridhjetë) ditësh nga skadimi i ditës së tridhjetë nga dita e fillimit me kryerje të veprimtarisë përcaktuar në lejen për transmetim në radio, me qëllim përcaktimin e përmbushjes së kushteve teknike, në pajtim me lejen për transmetim në radio.

7. Për këtë Vendim me shkrim të njoftohet kandidati në Konkursin Ppblik për dhënien e lejes për transmetim në radio të shërbimit programor në nivel lokal, në zonën e Komunës së Prilepit, në afat prej 7 (shtatë) ditësh nga dita e miratimit të vendimit.

8. Ky Vendim është përfundimtar dhe do të publikohet në "Gazetën Zyrtare të RMV-së" dhe në ueb-faqen e Agjencisë.

A r s y e t i m

Në pajtim me nenin 69 paragrafi (1) të Ligjit për Shërbime Mediatike Audio dhe Audiovizuale (LSHMAAV), për shërbimin programor të radios tokësor që transmetohet nëpërmjet resursi (burimi) të kufizuar siç janë radiofrekuencat, Agjencia e jep lejen për transmetim në radio përmes konkursi publik.

Agjencia, në pajtim me nenin 70 paragrafi (1) të LSHMAAV, miraton vendim për shpallje të konkursi publik për dhënie të lejes për transmetim në radio, sipas detyrës zyrtare ose me pranim të kërkesës me shkrim nga palë e interesuar, në pajtim me Planin për dhënie dhe shfrytëzim të radiofrekuencave, si dhe në pajtim me Studimin sipas mënyrës dhe procedurës së përcaktuar në nenin 70 të Ligjit të lartpërmendur.

Këshilli i Agjencisë miratoi Vendim për shpallje të konkursit publik për dhënie të lejes për transmetim në radio të shërbimi programor në nivel lokal, në zonën e komunës së Prilepit, PA1 nr.08-140 datë 25.04.2025 ("Gazeta Zyrtare e RMV-së", nr.91/25 datë 07.05.2025), në

bazë të Letrës me qëllim për dhënie të lejes për transmetim në radio në nivel lokal, në zonën e komunës së Prilepit nga pala e interesuar, personi juridik Shoqëria Tregtare Radiodifuzive (SHTR) BUBA MARA Ranko SHPKNJP Shkup (ark.nr.08-5084/1 datë 11.12.2024), me plotësim (ark.nr.08-102/1 datë 10.01.2025), Njoftimi i dorëzuar nga AKE në lidhje me kërkesën për informacion për frekuenca të lira për transmetim të programit në radio në zonën e komunës së Prilepit, ark. nr.0805-87/4 datë 05.02.2025 (nr.ynë ark.08-102/3 datë 13.02.2025), dhe në pajtim me Studimin e përgatitur për përcaktim të arsyeshmërisë për shpallje të konkursi publik për dhënie të lejes për radio në nivel lokal, në zonën e komunës së Prilepit (ark.nr.03-1705/1 datë 10.04.2025).

Afati i fundit për dorëzimin e aplikimeve për pjesëmarrje në konkursin publik në fjalë ishte deri më 07.07.2025, përkatësisht kandidatët për konkurs duhet të paraqisnin aplikim në afat prej 60 (gjashtëdhjetë) ditësh, duke llogaritur nga dita e parë nga dita e publikimit të vendimit në "Gazetën Zyrtare të Republikës së Maqedonisë së Veriut". Deri më 07.07.2025 si (afati i fundit për dorëzim të aplikimeve), drejtuar Agjencisë u dorëzua 1 (një) Aplikim me dokumentacion shoqërues për dhënie të lejes për transmetim në radio të shërbimi programor në nivel lokal, në zonën e komunës së Prilepit, më 07.07.2025 nga kandidati, personi juridik SHTR BUBA MARA Ranko SHPKNJP Shkup (PA1 nr.08-211).

Hapja publike e Aplikimit të dorëzuar për pjesëmarrje në konkursin publik nga kandidati i lartpërmendur u mbajt 1 (një) javë pas skadimit të afatit për paraqitjen e aplikimeve, përkatësisht më 15.07.2025, me ç'rast aplikimi i paraqitur u shqyrtua nga aspekti nëse ishte e rregullt, në kohë dhe e plotë, përkatësisht nëse i përmbante të gjitha dokumentet e përcaktuara në nenin 73 paragrafi (3) të LSHMAAV, dhe që i referohen kandidatit - personit juridik, për të cilin është mbajtur Procesverbal nga hapja publike (PA1 nr.08-211 datë 15.07.2025).

Në periudhën nga data 16.07.2025 deri më 22.07.2025, sektorët kompetent të Agjencisë kanë filluar vlerësimin e Aplikimeve për konkursin publik në fjalë (PA1 nr.08-211 datë 07.07.2025) paraqitur nga kandidati, personi juridik SHTR BUBA MARA Ranko SHPKNJP Shkup. Aplikimi i dorëzuar në afatin e përcaktuar është vlerësuar nga sektorët kompetent të Agjencisë, sipas kriterëve të vlerësimit përcaktuar në pikën 5 të Vendimit PA1 nr.08-140 datë 25.04.2025 për shpallje të konkursi publik për dhënie të lejes për transmetim në radio të shërbimi programor në nivel lokal. Sektori për çështje programore vlerësoi kriteret nga pika 1, pika 2, pika 3, pika 4 dhe pika 7 e tabelës; Sektori për planifikim strategjik dhe të drejtat e autorit vlerësoi kriterin nga pika 5 e tabelës; Sektori për financa dhe logjistikë vlerësoi kriterin nga pika 9 e tabelës dhe Sektori për mbështetje informative dhe çështje të përgjithshme vlerësoi kriteret nga pika 6, pika 8 dhe pika 10 e tabelës, me ç'rast u konstatua se Aplikacioni PA1 nr.08-211 datë 07.07.2025 nga kandidati, personi juridik SHTR BUBA MARA Ranko SHPKNJP Shkup është i rregullt dhe është vazhduar me vlerësimin dhe pikëzimin e tij.

Kështu, Sektori për çështje programore (SÇP), në kontributin e dorëzuar më 22.07.2025, ka konstatuar se aplikimi është në rregull nga aspekti programor dhe vazhdoi me vlerësimin e mëtejshëm të tij, përkatësisht në: pikën 1 të tabelës - Përfaqësimi në programin e prodhuar nga vetë transmetuesi (in-hous produktion) gjatë javës, si arsyetim për përmbushjen e kriterit, ka cituar se përfaqësimi i parashikuar në programin e prodhuar nga vetë transmetuesi është 100%, sa është dhe kohëzgjatja e pjesës së folur të programit (3 orë e 10 minuta); pika 2 e tabelës - Cilësia, zhanri dhe diversiteti tematik i përmbajtjes, si arsyetim për përmbushjen e kriterit, ka cituar se në pjesën folëse të programit është treguar se do të përfaqësohen 9 (nëntë) lloje programesh që përmbushin funksion edukativ, informues dhe argëtues; pika 3 e tabelës - Përfaqësimi i programeve që nxisin zhvillimin dhe ruajtjen e kulturës kombëtare, si arsyetim për përmbushjen e kriterit, ka cituar se kandidati ka treguar se gjatë vitit do të transmeton 11 orë programe për ruajtjen e kulturës kombëtare, dhe 45% e muzikës është planifikuar të jetë në gjuhën maqedonase dhe serbisht; pika 4 e tabelës - Përfaqësimi i informacionit dhe përmbajtjes në pjesën e folur të programit me rëndësi për zonën në të cilën do të transmetohet shërbimi programor (informacion me karakter lokal), gjatë javës.

në lidhje me cilin kriter konstatohet se i njëjti nuk plotësohet, dhe si arsyetim për këtë, ka cituar se kandidati në dokumentacionin e dorëzuar deklaroi se do të transmeton 45 minuta informacion me rëndësi për zonën në të cilën do të transmetohet shërbimi programor (informacion me karakter lokal) gjatë javës, gjë që nuk plotëson minimumin prej së paku 1 ore që ishte përcaktuar në dokumentacionin e konkursit, prandaj nuk u dhanë pikë për këtë kriter)

dhe në pikën 7 të tabelës - Koha e ofruar e transmetimit ditor të programit, si arsyetim për përmbushjen e kriterit, u citua se çdo ditë është planifikuar të transmetohen 24 orë program.

Sektori për planifikim strategjik dhe të drejtat e autorit (SPSDA) në kontributin e dorëzuar më 24.07.2025, ka konstatuar se kandidati - personi juridik SHTR BUBA MARA Ranko SHPKNJP Shkup i plotëson kushtet minimale kadrovike, të cekur në pikën 5 të tabelës - Numri dhe struktura e të punësuarve të nevojshëm për kryerjen e veprimtarisë, përkatësisht plotëson kriterin që të ketë së paku dy persona në marrëdhënie të rregullt pune që marrin pjesë në krijimin e programit, të punësuar nga transmetuesi me orar të plotë pune në pajtim me Ligjin për Marrëdhëniet e Punës dhe kryeredaktori i shërbimit programor të jetë në marrëdhënie të rregullt pune. Sipas të dhënave të cituara në Aplikacion dhe Planin Zyrtar, dhe në pajtimin me Sqarimin e Aplikacionit që SHTR BUBA MARA Ranko SHPKNJP Shkup e dorëzoi më 23.07.2025 pas kërkesës paraprake nga Agjencia, transmetuesi do të ketë dy të punësuar në marrëdhënie të rregullt pune dhe me orar të plotë, njëri prej të cilëve do të jetë administrator/drejtor dhe kryeredaktor dhe redaktor përgjegjës, dhe i dyti do të jetë montazhier teknik. Nga aspekti i kufizimeve për fitim të pronësisë dhe përqendrimit të palejuar mediatik, sektori konstatoi se nuk ka pengesa për dhënie të lejes. Parashtruesi i Aplikacionit ka leje për transmetim të programit në radio në nivel rajonal (në zonën e Shkupit). Në nenin 37 paragrafi (3) të Ligjit për Shërbime Mediatike Audio dhe Audiovizuele thotë se *Person fizik ose juridik që është partner shumicë ose aksionar shumicë në transmetues që ka leje për të ofruar transmetim televiziv në nivel rajonal, si dhe person i lidhur si partner ose aksionar në transmetues që ka leje për të ofruar transmetim televiziv në nivel rajonal, mund të jetë partner shumicë ose aksionar shumicë më së shumti dhe një transmetues tjetër që ka leje për të kryer veprimtari transmetimi për transmetim televiziv në nivel rajonal, ku zonat në nivel rajonal nuk janë fqinje dhe më së shumti në dy transmetues të tjerë që kanë leje për të ofruar transmetim televiziv në nivel lokal, ku zonat në nivel lokal nuk janë fqinje* dhe në pajtim me paragrafin 6 nga ligji i njëjtë *"Dispozitat e paragrafëve (1), (2), (3) dhe (4) të këtij neni zbatohen në përputhje me rrethanat edhe për person fizik ose juridik që është partner shumicë ose aksionar shumicë në një transmetues që ka leje për të ofruar transmetim në radio."* SHTR Buba Mara nuk figuron si themelues i shoqërive të tjera tregtare, ndërsa personi fizik Ranko Petroviq figuron si themelues dhe drejtues i SHTR Buba Mara dhe si person i autorizuar i Shoqatës Qendra për Njohuri të Aplikuara dhe Zhvillim Kreativ PRIMA CENTER Shkup (kjo shoqatë nuk figuron si themelues i personave të tjerë juridikë). Sipas të dhënave nga Regjistri i Pronarëve Përfitues, personi fizik Ranko Petroviq është pronari përfitues i parashtrimit të aplikimit.

Sektori për financa dhe logjistikë (SFL) në kontributin e dorëzuar më 21.07.2025 ka konstatuar se dokumentet e paraqitura nga personi juridik SHTR BUBA MARA Ranko SHPKNJP Shkup për konkursin për zonën e komunës së Prilepit, nga aspekti financiar janë të kompletuara. Si arsyetim për përmbushjen e kriterit nga pika 9 e tabelës - Garancitë e ofruara për aftësi financiare për të kryer veprimtarinë, nga SFL është cituar se kandidati ka dorëzuar plan biznesi i cili përmban dhe planin financiar të planifikuar të radios për 3 (tre) vitet e ardhshme, si dhe si garanci të ofruara për aftësinë financiare për të kryer veprimtarinë, kandidati ka dorëzuar gjendjen e llogarisë nga banka komerciale të subjektit juridik – parashtruesi i aplikimit dhe depozitë parash të hapur në fondin e investimeve nga banka komerciale. Aplikanti ka dorëzuar gjithashtu dhe bilancin e gjendjes dhe të dhëna nga bilanci i suksesit për vitet 2023 dhe 2024, nga ku SFL vazhdoi me vlerësimin e mëtejshëm të aplikacionit.

Sektori për mbështetje informatike dhe çështjet të përgjithshme (SMIÇP) në kontributin e dorëzuar më 21.07.2025, ka konstatuar se Aplikimi i kandidati – personi juridik SHTR "BUBA MARA Ranko" SHPKNJP Shkup është i rregullt dhe ka vazhduar me vlerësimin e mëtejshëm, përkatësisht në: pikën 6 të tabelës. - Kushtet teknike për prodhimin e programit, në lidhje me përmbushjen e këtij kriteri nga (SMIÇP) është konstatuar se në pajtim me Formularin nr.2 ku janë plotësuar kushtet teknike për prodhimin e programit, kandidati ka përmbushur kërkesat e Rregullores për kushtet minimale teknike, hapësinore, financiare dhe kadrovike për marrjen e lejes për transmetim televiziv dhe radio; pika 8 e tabelës - Kushtet hapësinore për kryerjen e veprimtarisë, në lidhje me përmbushjen e këtij kriteri nga (SMIÇP), është konstatuar se në pajtim me Formularin nr.2, i cili paraqet edhe kushtet hapësinore për kryerjen e veprimtarisë, kandidati ka përmbushur kushtet e kërkuara në pajtim me Rregulloren për kushtet minimale teknike, hapësinore, financiare dhe kadrovike për dhënien e lejes për transmetim televiziv dhe radio dhe pika 10 e tabelës - Afati i ofruar për fillimin e kryerjes së

veprimtarisë, në lidhje me përmbushjen e këtij kriteri, (SMIÇP) ka konstatuar se kandidati në Aplikim si afat për fillimin e kryerjes së veprimtarisë ka cekur datën 18.09.2025, që do të thotë deri në 3 (tre) muaj nga dita e dhënies së lejes.

Në bazë të vlerësimit të përfunduar dhe pikëzimit të Aplikacionit për pjesëmarrje në konkursin publik të kandidatit, personit juridik SHTR BUBA MARA Ranko SHPKNJP Shkup, numri i përgjithshëm i pikëve të dhëna është 88 pikë, siç thuhet në Raportin e Vlerësimit të Aplikacionit të përgatitur nga Agjencia PA1 nr.08-211 datë 25.07.2025, dhe është konstatuar se Aplikimi PA1 nr.08-211 datë 07.07.2025, paraqitur nga kandidati i vetëm, personi juridik SHTR BUBA MARA Ranko SHPKNJP Shkup, i plotëson kushtet e përcaktuara në konkursin publik në pajtim me Vendimin e Agjencisë për shpallje të konkursi publik, PA1 nr.08-140 datë 25.04.2025 ("Gazeta Zyrtare e RMV-së", nr.91/25 datë 07.05.2025).

Me qëllim që të përcaktohen në mënyrë të drejtë faktet gjatë marrjes së vendimit për dhënien e lejes për transmetim në radio, për shërbim programor në nivel lokal, në zonën e komunës së Prilepit, përkatësisht për të përcaktuar nëse ekzistojnë pengesa ligjore që parashtuesit të Aplikimit t'i jepet leja për transmetim në radio, Agjencia më 22.07.2025, përmes sistemit të shpërndarjes së internetit të Regjistrat Qendror të RMV-së, ka ofruar dokumente nga ku shihet se në cilat shoqëri tregtare paraqitet si themelues/pronarë personi juridik SHTR BUBA MARA Ranko SHPKNJP Shkup dhe personi fizik Ranko Petroviq, konkretisht: "Informacion mbi subjektet e lidhura (persona të autorizuar, organe drejtuese, pronarë në subjekte të tjera – gjendja vijuese", nr.0820-50/150020250276747, nr.0820-50/150020250276757 dhe nr.0820-50/150020250276773, të gjitha nga 22.07.2025, si dhe "Gjendja vijuese për personin fizik - pronar i vërtetë" nr.2007-50/150020250276790 datë 22.07.2025, nga ku është konstatuar se nuk shkelen dispozitat e Kapitullit IV të LSHMAAV.

Në lidhje me Raportin e vlerësimit të aplikimit të paraqitur për pjesëmarrje në konkursin publik për dhënien e lejes për transmetim në radio në nivel lokal PA1 nr.08-211 datë 25.07.2025, Drejtori i Agjencisë, drejtuar Këshillit të Agjencisë ka paraqitur Propozimin PA1 nr.08 - 225 datë 28. 07.2025, për miratimin e vendimit për dhënien e lejes për transmetim në radio të shërbimi programor, në nivel lokal, në rajonin e komunës së Prilepit, kandidatit, personit juridik SHTR BUBA MARA Ranko SHPKNJP Skopje, me seli në bulevardin., "Partizanski odredi" nr.62-lamelë C/hyrja 1 në katin e ndërmjetëm, komuna Karposh, Shkup.

Në bazë nga sa më sipër, Këshilli i Agjencisë, në bazë të nenit 18 paragrafi (1) nënparagrafi 2 dhe neni 20 paragrafi (1) nënparagrafi 10, dhe në lidhje me nenin 71 paragrafi (1) nënparagrafi 17 dhe 18 dhe neni 75 të LSHMAAV, neni 15 paragrafi (1) nënparagrafi 2, neni 39 paragrafi (1) nënparagrafi 10 dhe neni 51 paragrafi (1) të Rregullores së Punës së Agjencisë (Tekst i pastruar) ark.nr.01-3732/1 datë 29.07.2019, pas zbatimit të Konkursit Publik për dhënien e lejes për transmetim në radio të shërbimi programor në nivel lokal, të shpallur në bazë të Vendimit të Agjencisë për shpallje të konkursi publik, PA1 nr.08-140 datë 25.04.2025 (" Gazeta Zyrtare e RMV-së", nr.91/25 datë 07.05.2025), në pajtim me Raportin e vlerësimit të aplikacionit të paraqitur PA1 nr.08-211 datë 25.07.2025 dhe Konkluzionin ark.nr. 02 – 3137/3 datë 29.07.2025 , në seancën e 6-të mbajtur më 29.07.2025, miratoi Vendim si në dispozitiv, i cili është përfundimtar dhe pas miratimit të tij do të publikohet në "Gazetën Zyrtare të RMV-së" dhe në ueb-faqen e Agjencisë.

Përktheu: Antoneta Shabani

**Agjencia për Shërbime Mediatike
Audio dhe Audiovizuele,
Kryetari i Këshillit,
Mr. Sasho STEFANOVSKI**

Këshillë juridike: Pjesëmarrësi në Konkurs për dhënien e lejes për transmetim në radio të shërbimi programor në nivel lokal, të shpallur në bazë të Vendimit PA1 nr.08-140 datë 25.04.2025. (" Gazeta Zyrtare e RMV-së", nr.91/25 datë 07.05.2025), nëse është i pakënaqur

me Vendimin, ka të drejtë në afat prej 30 (tridhjetë) ditësh nga dita e pranimi të Vendimit, të ngrejë padi në Gjykatën Administrative të RMV-së.